

HIERONYMUS.

¹ ARAT, est civitas in qua habitaverunt filii Obab socii Moysi in medio Israël.

² ARATH, civitas olim Amor-rhæorum vicina deserto Cades: & usque nunc ostenditur villa ab oppido Malatis in quartolapide, à Chebron vicesimo in tribu Juda.

³ ARATH, terminus Judæ distans à Chebron milibus viginti ad meridiem, de quo supra positum est.

ARBATÆ, locus circa Galilæam. 1 Machab. v. 23.

⁴ ARBELA, terminus Judæ orientum solis respiciens. Est & usque hodie vicus Arbel trans Jordanem in finibus Pellæ civitatis Palæstinæ, & alius hoc vocabulo in campo prægrandi distans ab oppido Legionis milibus novem.

ARBELLÆ. Vide proximè ARBELA.

⁵ ARBOCH, corrupte in nostris codicibus Arboch scribitur, cum in Hebræo legatur Arbee, id est, quatuor; eo quod ibi quatuor Patriarchæ Abraham, Isaac, & Jacob sepulti sunt, & Adam magnus, ut in libro Jesu scriptum est: licet eum quidam conditum in loco Calvarie suspicentur. Hæc autem est eadem Chebron olim metropolis Philistinorum, & habitaculum Gigantum, regnumque postea David in tribu Juda, civitas sacerdotalis, & fugitivorum. Distat ad meridianam plagam ab Ælia milibus circiter viginti duobus: quercus Abraham, quæ & Mambre usque ad Constantii regis imperium monstrabatur, & Mausoleum ejus impræsentiarum cernitur. Cumque à nobis jam ibidem Ecclesia edificata sit à cunctis in circuitu gentibus terebrynthus superstitione colitur: eo quod sub ea Angelos Abraham quondam hospitio suscepit. Hæc ergo primum Arbee, postea à Chebron uno filiorum Chaleb sortita vocabulum est.

EUSEBIUS.

Αράμ, πόλις ἐνθα κατέκησαν οἱ υἱοὶ Ἰσὼθ, τοῦ Ἰωὰβ πεντηκονταετῆρος Μωϋσῆ ἐν μέσῳ Ἰσραὴλ.

Αράμ, πόλις Ἀμορραίων παρὰ καίμην τῇ ἐρήμῳ καλούμην Κάδης· καὶ ἐστὶν εἰς ἐτὶ νῦν κόμη ἀπὸ τετάρτης σημείας Μαλααθί, τῆς δὲ Χεβρων ἀπὸ εἴκοσι, φυλῆς Ἰούδα.

EUSEBIUS.

ARAM, civitas in qua habitaverunt filii Jothor, qui fuit filius Joabi socer Moysi in medio Israël.

ARAMA, civitas Amorrhæorum sita apud eremum, quæ vocatur Cades: & est usque hodie vicus in 4. lapide ab (oppido) Malaathi, à Chebron verò in vicesimo, tribus Juda.

Αρβηλ, ὅριον ἀνατολικὸν τῆς Ἰουδαίας. ἔστι δὲ καὶ κόμη τῆς Αρβηλὰ πέραν τοῦ Ἰορδάνου ἐν ὁρίοις Πέλλης πρὸς Παλαιστίνης. καὶ ἄλλη δὲ Αρβηλὰ κεῖται ἐν τῷ μεγάλῳ πεδίῳ τῆς Λευαῶνος, διεστώσα σημείοις 9.

ARBELA, terminus orientalis Judææ. Est item & quidam vicus Arbela ultra Jordanem in finibus Pellæ civitatis Palæstinæ. Alia item Arbela sita est in magno campo Legionis distans milliaribus novem.

Αρχά, αὕτη ἐστὶ Χεβρων κόμη νῦν μεγίστη μητρόπολις οὖσα τὸ παλαιὸν τῶν ἀλλοφύλων, καὶ γιγάντων οἰκητήριον, καὶ βασιλεῖον μετὰ ταῦτα Δαβὶδ· ἐνεκλήρωτο δὲ φυλὴ Ἰούδα, καὶ πόλις ἦν ἱερατικὴ μία τῶν φυγαδευθέντων ἀπὸ Αἰλίας, ἐν νῶτῳ, διεστώσα σημείοις β' πρὸς εἴκοσι. ἡ δὲ Αρβὰμ καὶ τὸ μῆμα αὐτοῦ θείρεται, καὶ θεοσκεύεται ἐπιφανῶς πρὸς τῶν ἐχθρῶν ἡ θερέβινθος· ὅτι ὑπὸ αὐτῆς παλαιὰ τῷ Αρβὰμ ἐπιγενόμενες οἱ ἄγγελοι· πρῶτον δὲ Αρβὰ καλούμενη, ὕστερον ἐκλήθη Χεβρων, ἀπὸ Χεβρων ἐνὸς τῶν υἱῶν Χαλὲβ, ὡς ἐν παραλειπομένοις.

ARCO, hæc est Chebron vicus nunc maximus, quæ olim fuit metropolis alienigenarum, & gigantum domicilium, regia deinde David. Sorte verò obvenerat tribui Juda, & civitas erat sacerdotalis una urbium refugii ab Ælia ad meridiem sita, distans milliaribus duobus supra viginti. Cernitur ibidem quercus Abraham & monumentum, palamque superstitione colitur ab adversariis terebrynthus: propterea quod sub ea quondam Angeli fuerint hospitio excepti ab Abraham. Prius autem Arbo dicta, postmodum vocata est Chebron, à Chebrone uno è filiis Chaleb, quemadmodum in Paralipomenon libris.

NOTÆ.

1. Arad in versione nostra appellatur vel Hered, de qua & nos supra in Ader. Historia de Cinæis filiis Hobab, quæ hic tangitur, habetur Judic. Cap. 1. ubi tamen non in civitate illa dicuntur habitasse, sed ad ejus meridiem, neque enim in urbibus habitabant Cinæi. BONFRERIUS.

2. De hac voce sequenti. IDEM.

3. Eadem est prior & posteriore loco Arath, ut ex ipsa descriptione & distantia à Chebron colligitur: deinde esse terminum Judæ, & esse vicinam deserto Cades eadem sunt. Nunc non Arath, sed Arad, Num. 34. v. 4. habent Septuaginta Interpretes, & si consonantes literas inter se permutet fiet Adar, quomodo in Hebræo & versione nostra ibi habetur. Vide sup. in ADDARA. IDEM.

4. Arbele, quam hic describit Hieronymus primo loco, nullum est in Scriptura vestigium, vel ubi describuntur termini tribus Judæ, Jos. 15. vel alibi. Infra in Bela Hieronymus indicat esse eundem locum cum Arbela hoc loco. Porro Bela ibi in terminis tribus Judæ non videtur alia quam Bala seu Segor ad mare mortuum, de qua & plura in Bala. Altera Arbela juxta Pellam trans Jordanem etiam in Scriptura nusquam nominatur. Postrema verò Arbela hic ab Hieronymo in-

dicata videtur esse illa quæ Arbelle dicuntur, 1 Machab. 9. v. 2. quam & Arbela vocat Josephus, dicitque Galilææ oppidum esse. Adrichomius tres Arbelas in eo tractu distinguit, unam in tribu Nephtalim, alteram in tribu Zabulon, tertiam in tribu Issachar: sed ego unicam puto sufficere, quæ vel in tribu Zabulon, vel Issachar, vel Manasse fuerit, ubi erat & ista urbs Legio in trium trium harum confinio, & campus magnus, quorum hic mentionem facit Hieronymus. IDEM.

5. Nusquam Chebron vel Hebron in versione nostra absolute Arbee appellatur, sed Cariatharbe, vel civitas Arbee. Unde autem hæc civitas ita appellata sit, an à quatuor (nam & Arbee hoc Hebræis significat) horum Patriarcharum sepultura, an aliunde, quod longè probabilius censemus, diximus Gen. 23. v. 2. & Jos. 14. v. ult. De Hebron verò filio Caleb, à quo vult nomen accepisse hanc civitatem post ingressum in Terram Promissam habes 1 Paral. 2. v. 42, 43. Merito tamen id revocari in dubium potest, ab eodem nomen hoc accepit; quæ de re nos egimus Gen. 23. v. 1. Fuit autem Hebron ferè in totius tribus Judæ medietate. Inter Sacerdotales civitates numeratur, Jos. 21. & 1 Paral. 6. De ea & infra agit Hieronymus in Chebron. IDEM.